

SVJETSKI DAN ZAŠTITE OKOLIŠA 5. JUNI



VRIJEME JE ZA PRIRODU

Biodiverzitet – raznolikost života na Zemlji – 8 miliona biljnih i životinjskih vrsta na planeti, ekosistemi koji ih naseljavaju i genetska raznolikost među njima.

Uticaj ljudske aktivnosti

- Ljudske aktivnosti značajno su promijenile tri četvrtine kopnene površine i dvije trećine površine okeana;
- od 2010. do 2015. godine 32 miliona hektara šume je nestalo;
- u posljednjih 150 godina površina koralnih grebena je smanjena za polovinu;
- ledeni pokrivač se topi zapanjujućom brzinom dok kiselost okeana raste;
- životinjske vrste sada nestaju desetinama i stotinama puta brže nego u proteklih 10 miliona godina, a u narednih 10 godina jedna od četiri poznate vrste možda će biti izbrisana sa planete.

Čovječanstvo je na pragu masovnog izumiranja mnogih životinjskih vrsta. Gubitak biodiverziteta imat će ozbiljne posljedice za čovječanstvo i kao posljedica može doći do kolapsa prehrambenog i zdravstvenog sistema.

RJEŠENJE JE PRIRODA

U posljednjih 50 godina ljudska populacija se udvostručila, globalna ekonomija se gotovo udvostručila, a globalna trgovina se povećala za približno deset puta.

Danas bi bilo potrebno 1,6 teritorije Zemlje da se ispune zahtjevi koje ljudi postavljaju prirodi svake godine dok je više vrsta je u opasnosti od izumiranja nego ikad prije.

PRIRODA NAM ŠALJE PORUKU

Pojava COVID-19 ukazala je na činjenicu da kada uništavamo biodiverzitet, uništavamo sistem koji podržava ljudski život. Ako dođe do gubitka biodiverziteta onda se pruža mogućnost da patogeni lakše prelaze između životinja i ljudi.

Oko 75% svih zaraznih bolesti kod ljudi su zoonoze – bolesti zajedničke za životinje i ljude. Priroda nam šalje poruku.

Kako se broj stanovnika na planeti Zemlji približava 10 milijardi, moramo bolje razumjeti mrežu života u kojem živimo i uvažiti da ona funkcioniše kao sistem.

Hrana koju jedemo, zrak koji udišemo, voda koju pijemo i klima zbog koje je naša planeta pogodna za život – sve to dolazi iz prirode.

Priroda nam u ovim trenucima poručuje da smo na rubu propasti.

Vrijeme je za buđenje.

Vrijeme je da postanemo svjesni i da preispitamo naš odnos s prirodom.

Vrijeme je da podignemo svoj glas i kažemo svijetu da nam sada trebaju akcije.

Ovog Svjetskog dana zaštite okoliša – vrijeme je za prirodu.